

PEMBERITAHUAN PERTANYAAN DEWAN RAKYAT

PERTANYAAN : LISAN

DARIPADA : YB TUAN TAN KOK WAI [CHERAS]

TARIKH : 1 NOVEMBER 2016

NO. SOALAN :

YB Tuan Tan Kok Wai [Cheras] minta **PERDANA MENTERI** menyatakan bilangan pegawai Kerajaan daripada Kementerian, jabatan dan agensi Kerajaan serta GLC yang berkaitan yang ditangkap oleh SPRM bagi kesalahan rasuah dan pengubahan wang haram setiap tahun mulai 2014 sehingga September 2016 dan jumlah nilai dalam bentuk wang tunai, harta dan bentuk-bentuk rasuah yang lain.

JAWAPAN: YB SENATOR DATUK PAUL LOW SENG KUAN
MENTERI DI JABATAN PERDANA MENTERI

Tuan Yang di-Pertua,

Bilangan pegawai Kerajaan daripada Kementerian, jabatan dan agensi Kerajaan serta GLC yang berkaitan yang ditangkap oleh Suruhanjaya Pencegahan Rasuah (SPRM) bagi kesalahan rasuah

dan pengubahan wang haram antara tahun 2014 sehingga September 2016 adalah seramai 1037.

Bagi tahun 2014, seramai 225 orang kakitangan awam dan 2 orang kakitangan GLC telah ditahan, sementara pada tahun 2015 pula 398 kakitangan awam dan 7 kakitangan GLC ditahan. Bagi tempoh Januari hingga September 2016 pula, seramai 388 kakitangan awam dan 17 kakitangan GLC telah ditahan.

Jumlah nilai suapan yang telah dirampas dan dibekukan pada tahun 2014 adalah sebanyak RM 113,436,354.80 (satu ratus tiga belas juta, empat ratus tiga puluh enam ribu, tiga ratus lima puluh empat ringgit dan lapan puluh sen). Pada tahun 2015, jumlahnya adalah RM 30,782,280.29 (tiga puluh juta, tujuh ratus lapan puluh dua ribu, dua ratus lapan puluh ringgit dan dua puluh sembilan sen). Sehingga September 2016, jumlah yang telah dirampas dan dibekukan adalah RM 27,554,652.31 (dua puluh tujuh juta, lima ratus lima puluh empat ribu, enam ratus lima puluh dua ringgit dan tiga puluh satu sen).

Sekian, terima kasih.